

Mesiraziun uffiziala**Exposiziun publica: Adressas dals edifizis, territori da bovas u segunda mesiraziun suenter in'arrundaziun dal terren**

Suenter che las mancanzas èn vegnidas rectificadas sin basa da la verificaziun, po vegnir manada tras l'exposiziun publica tenor ils art. 22 e 23 da la Lescha chantunala da geoinformaziun (LCGeo; DG 217.300). Quai tenor il suandant proceder:

- L'interpresa prepara in set dals documents che vegnan exponids. Tge documents che quai èn, resorta dals models per il text da publicaziun.
- Ils plans vegnan tramess a l'Uffizi d'agricultura e da geoinformaziun (UAG) per als laschar controllar e metter il bul d'exposiziun.
- Ensemen cun la vischnanca fa l'interpresa in sboz dal text da publicaziun tenor ils models e scriva la brev d'informaziun per las proprietarias ed ils proprietaris. Quests sbozs vegnan tramess al UAG per als laschar controllar.
- La vischnanca trametta la brev d'informaziun ed ina copia dal text da publicaziun a tut las proprietarias e tut ils proprietaris dals bains immobigliars.
- La vischnanca publitgescha l'exposiziun publica en il Fegl uffizial chantunal ed ev. en il fegl uffizial regional. Ev. publitgescha ella ils documents er sin sia pagina d'internet.
- La vischnanca maina tras l'exposiziun publica e fa tractativas da reconciliaziun.
- La vischnanca trametta al UAG las actas d'exposiziun originalas, cun l'inscripziun da las datas d'exposiziun, per l'archivaziun.

Nus recumandain a las vischnancas da publitgar ils documents d'exposiziun er en l'internet.

Models per il text da publicaziun per l'exposiziun publica èn disponibels en rumantsch grischun, en tudestg ed en talian.